



095

# ঢাকা বিশ্ববিদ্যালয়ের জন্য ৫ কোটি টাকার বেসরকারী তহবিল গঠনের উদ্যোগ

৥ কাশেম হায়দার ৥  
আগামী ৬ মাসের মধ্যে ঢাকা বিশ্ববিদ্যালয় ট্রাস্ট ফাণ্ডের জন্য বেসরকারী উদ্যোগে ৫ কোটি টাকার তহবিল গঠনের কর্মসূচী নেয়া হয়েছে।

এই তহবিলের অর্থ দিয়ে ঢাকা বিশ্ববিদ্যালয়ের শিক্ষক, কর্মকর্তা ও কর্মচারীদের বাসস্থান নির্মাণ, শিক্ষক, কর্মচারী ও ছাত্র-ছাত্রীদের যাতায়াতের জন্য আরো বাস সংগ্রহ, গবেষণার সুযোগ সুবিধা বৃদ্ধি এবং নতুন করে বৃত্তি দেয়া হবে।

এই তহবিলের অর্থ সংগ্রহের লক্ষ্যে ঢাকা বিশ্ববিদ্যালয়ের উপাচার্য, উপ-উপাচার্যসহ আরো কয়েকজন শিক্ষক গত সোমবার বিকেলে স্থানীয় একটি হোটেলে ঢাকা বিশ্ববিদ্যালয়ের কয়েকজন প্রাক্তন ছাত্রের সাথে এক চাচকে

মিলিত হন। এতে উপ-প্রধান-মন্ত্রী ব্যারিস্টার মওদুদ আহমদসহ কয়েকজন সচিব, ব্যাংকার এবং কিছু ব্যবসায়ী উপস্থিত ছিলেন। চা-চকে প্রাক্তন ছাত্ররা ঢাকা বিশ্ববিদ্যালয় ট্রাস্ট ফাণ্ডের জন্য আগামী ৬ মাসের মধ্যে ৫ কোটি টাকার (শেষ পৃ: ২-এর ক: স্র:)

## তহবিল গঠনের উদ্যোগ (১ম পাতার পর)

তহবিল গঠন করে দেয়ার আশ্বাস দেন। এই তহবিল গঠনের জন্য পানপোর্ট ও বহির্গমন বিভাগের প্রাক্তন মহাপরিচালক কাজী বাহাউদ্দিন আহমদকে আহ্বায়ক করে একটি গাব-কমিটি গঠন করা হয়েছে।

ঢাকা বিশ্ববিদ্যালয়ের একটি দায়িত্বশীল সূত্র জানান, ১৯৭৯ সালে ঢাকা বিশ্ববিদ্যালয় ট্রাস্ট ফাণ্ড গঠন করা হয়। এই ফাণ্ডে বর্তমানে মাত্র ১০ লাখ টাকা আছে। প্রখ্যাত বিজ্ঞানী ড: ইয়াস আলী এই ফাণ্ডে ৩ লাখ টাকা দিয়েছেন। ড: আলীর ইচ্ছানুযায়ী, ঢাকা বিশ্ববিদ্যালয়ে বিজ্ঞান চর্চার জন্য মেধাবী ছাত্রছাত্রীদের কয়েকটি বৃত্তি চালু করা হয়েছে। ফাণ্ডে উল্লেখযোগ্য অর্থ না থাকায় তেমন কোন উল্লেখযোগ্য কার্যক্রম গ্রহণ করা সম্ভব হয়নি।

সম্পূর্ণ সরকারী অনুদানের উপর বিশ্ববিদ্যালয়সমূহ পরিচালিত হয়। ঢাকা বিশ্ববিদ্যালয়ের মোট বাজেটের শতকরা ৯৫ ভাগই সরকার দেয়। বাকী ৫ ভাগ ছাত্র-ছাত্রীদের বেতন ও হলগুলোর ছিট-ভাড়া থেকে আসে। চলতি ৯৮৬-৮৭ অর্থ বছরে ঢাকা বিশ্ববিদ্যালয়ের জন্য সরকারী অনুদানের পরিমাণ হচ্ছে ২৩ কোটি ৩২ লাখ ৮৪ হাজার টাকা।

সূত্রটি জানান, সরকারী অনুদানের বাইরে ঢাকা বিশ্ববিদ্যালয়ের বিভিন্ন উন্নয়নমূলক কাজ সম্পন্ন করার জন্য বেসরকারী উদ্যোগে এই তহবিল গঠনের উদ্যোগ নেয়া হয়েছে। বেসরকারী উদ্যোগে ৫ কোটি টাকার তহবিল গঠনের পর ঢাকা বিশ্ববিদ্যালয় ট্রাস্ট ফাণ্ডের জন্য সরকারের কাছে সমপরিমাণ অর্থ অনুদান হিগেনে চাওয়া হবে।